

ইসলামের জন্ম ও হজরত উসমানের (রাঃ) যুগ

আকাশ মালিক

(শেষ পর্ব)

হজরত আলীকে ডেকে এনে উসমান (রাঃ) নিজের ভুল স্বীকার করলেন। কিন্তু ততক্ষণে অনেক দেরী হয়ে গেছে। আসলে কিন্তু ভুল স্বীকার করেননি। রাজনৈতিক উদ্দেশ্য হাসিলের লক্ষ্যে হজরত আলীকে ব্যবহার করতে চেয়েছিলেন। উসমান বললেন- ‘আলী, এখন থেকে আমি শুধু তোমার কথাই শুনবো। মোয়াবিয়া, মারওয়ানের পরামর্শ নেয়া আমার ঠিক হয়নি। আজ থেকে তুমি যেভাবে বলবে রাষ্ট্র সেভাবে চলবে।’

আলীর মনে পড়লো ক্ষমতা ও সম্পদ লোভী, আত্মশত্রু, সেচ্ছাচারী উসমানের সুদীর্ঘ ১২ বৎসর শাসনের কলংকিত দিন গুলোর কথা-

উসমান তিনটি নিরপরাধ মানুষের খুনী সাহাবী হজরত ওমরের পুত্র হজরত ওবায়দুল্লাহকে শাস্তি না দিয়ে ছেড়ে দিয়েছিলেন। কোরআন সংকলন করে রাজ্যের সর্বত্র মানুষের হাতে লেখা কোরআন আঙুনে পুড়িয়ে ফেলেছেন। সে গুলোতে কি লিখা ছিল পৃথিবীর মানুষ কোনদিন জানতে পারবেনা। গরীব কৃষকদের জমি জবরদস্তি দখল করে মদীনার মসজিদ সম্প্রসারণ করে মানুষকে ভিটেহীন করেছেন। ঘোড়ার ওপর ট্যাক্স আরোপ করে নবীর আদর্শকে কলংকিত করেছেন। ‘প্রজাসত্ত্ব হস্থান্তর’ আইন প্রনয়ন করে নিজের আত্মীয় উমাইয়া বংশের মানুষকে জমিদার বানিয়ে সাধারণ মানুষকে ভিখারী করেছেন। মাদকাসক্ত, ভাবিচারী মিথ্যাকারী, দেশের স্বঘোষিত নামকরা সন্ত্রাসী, যাদের মধ্যে চরিত্রের বালাই নেই তাদেরকে গভর্নর পদে নিযুক্ত করেছেন। বায়তুল-মাল থেকে টাকা আত্মসাৎকারী কুফার গভর্নর কুখ্যাত অলিদের কথায় তার কোষাধকা সাহাবী ইবনে মাসউদ (রাঃ) কে সকলের সম্মুখে জঘন্য ভাষায় গালাগালি করেছেন। এইতো সেদিন ইবনে মাসউদকে (রাঃ) মসজিদে দেখে উসমান বলেছিলেন- ঐ দেখো বাঁদীর বাচ্চা নষ্টের কীট এসেছে, সে যে পাতে খায় সেই পাতে মল ত্যাগ করে। ইতিপূর্বে ইবনে মাসউদ (রাঃ) অলীদের অন্যায় অবিচার সহ্য করতে না পেরে পদত্যাগ করে মদীনায় চলে এসেছিলেন। হজরত আয়েশা মসজিদ সংলগ্ন ঘর থেকে উসমানের গালিগালাজ শুনে বেরিয়ে এসে বলেছিলেন- আপনি নবীর বিশুদ্ধ সাহাবীদেরকে এমন ভাবে গালাগালি করছেন? আয়েশার কথায় খলিফা ভীষন রাগান্বিত হয়ে ইবনে মাসউদকে (রাঃ) এমন লাথি মেরেছিলেন যে, সাহাবী মাসউদের কোমরের একটি হাড় ভেঙ্গে গিয়েছিল। অজ্ঞান অবস্থায় মাসউদকে (রাঃ) সে দিন উসমান টেনে হেঁচড়ে মসজিদে নববী থেকে বের করে দিয়েছিলেন। কিছুদিন আগে সাহাবী হজরত আশ্মার ইবনে ইয়াসের (রাঃ) খলিফার অর্থনৈতিক সেচ্ছাচারীতার প্রতিবাদ করেছিলেন। কারণ খলিফার ওপর বায়তুল-মাল থেকে যুদ্ধ-লব্ধ গণিমতের মাল, কিছু সর্গালংকার ও মণি-মুক্তা চুরির অভিযোগ এনেছিলেন মদীনার কিছু লোক। খলিফার বেশ কয়েকজন আত্মীয়ের গায়ে সেই অলংকারের প্রমাণও তারা দেখিয়েছিলেন। উসমান মোয়াবিয়ার ভাষায় বলেছিলেন- বায়তুল-মালের সম্পদের মালিক আল্লাহ। আমি আল্লাহ্র মনোনিত খলিফা। আল্লাহ্র মনোনয়ন ছাড়া খলিফা হওয়া যায়না। সম্পদ ব্যবহার হবে আমার ইচ্ছায়, তোমাদের তাতে কিছু বলার কোন অধিকার

নেই। আম্মার ইবনে ইয়াসের ও হজরত আলী একসাথে সমসূরে বলেছিলেন- খলিফা, আল্লাহর কসম, আমি হবো আপনার প্রথম প্রতিবাদী। বায়তুল-মালের সম্পদের জবাবদিহী আপনাকে করতেই হবে। উসমান, আম্মার ইবনে ইয়াসেরকে বন্দী করে এমন শাস্তি দিয়েছিলেন যে, তিন দিন তাঁকে বেহুশ হয়ে মৃত অবস্থায় উম্মে সালামার (রাঃ) গৃহে পড়ে থাকতে হয়। আয়েশাও সে ঘরে উপস্থিত ছিলেন।

উসমান সেদিন আলীকেও বলেছিলেন-বেশী বাড়াবাড়ি করলে তোমারও আম্মারের অবস্থা হবে। আলীও রক্তবর্ণ চোখ দেখিয়ে বলেছিলেন- ‘আত্মসূত্রী উসমান, আল্লাহর কসম, আমার পিতা তোমার পিতার চেয়ে উত্তম, আমার মা তোমার মায়ের চেয়ে উত্তম, নবীর কাছে আমার মর্যাদা তোমার চেয়ে অনেক বেশী। আমাকে দেশ ত্যাগের নির্দেশ দিয়ে একবার চেষ্টা করে দেখতে পারো কোথাকার জল কোথায় গড়ায়’ ।

এসব কিছু স্মরণ করে আলী বলেন- ‘আজ আমি আপনাকে সাহায্য করতে পারবোনা। এর আগে বহুবার আপনাকে সতর্ক করেছি, পরামর্শ দিয়েছি, আপনি তা কানেই তোলেন নি। বরং কিছু দিন আগে একজন বিশিষ্ট সাহাবী হজরত আবু জওহর গিফ্ফারীকে (রাঃ) বিনা অপরাধে দেশ থেকে তাড়িয়ে দিলেন। আমি এর প্রতিবাদ করায় আপনি আপনার মন্ত্রী মারওয়ানের পক্ষ নিয়ে আমাকে অশ্লীল ভাষায় গালিগালাজ করে প্রায় গলা ধাক্কা দিয়ে প্রাসাদ থেকে বের করে দিয়েছিলেন।’ উসমানেরও মনে আছে সেদিন হজরত আলী কম বলেননি। উসমান জানেন কোথায় আলীর পিতা আবুতালিবের হাশিমী বংশ আর কোথায় উসমানের উমাইয়া বংশ। কিন্তু আজ তিনি নীরবে শুধু আলীর কথা শুনে থাকলেন। উসমান বলেন- আলী, আমি জনগণের সকল অভিযোগ সূঁকার করে তাদের দাবী মেনে নেবো, তুমি তাদেরকে মদীনা থেকে ফেরায়ে দাও। হজরত আলী, তার কাছে ইতি পূর্বে বিদ্রোহীদের দেয়া অভিযোগ ও দাবী সমূহ উসমানকে এক এক করে শুনালেন। অভিযোগ গুলো শুনে হজরত উসমান, সকল দোষ তাঁর পূর্ববর্তী দুই খলিফার ওপর, বিশেষ করে হজরত ওমরের ওপর চাপিয়ে দিলেন। তিনি আঙ্গুলে গুনে কয়েকজন দুর্ধষ দুষ্কৃতিকারী সাহাবীর নাম উল্লেখ করে বলেন- দেখো আলী, এদেরকে খলিফা ওমর গভর্নর পদে নিয়োগ করে গেছেন। সিরিয়ার গভর্নর মোয়াবিয়া কেমন মানুষ তুমি তো জানো। তার মতো মানুষকে সরিয়ে আমার খেলাফত কি একদিনও ঠিকবে? অতি নম্র ভাষায় উসমান আরো বলেন- দেখো, বিগত দুই খলিফাও অনেক ভুল করেছিলেন কিন্তু কেউ তো কোনদিন তাদের পদত্যাগ দাবী করেনি, আমার বেলায় কেন এমন হচ্ছে? আমি শুধু একটি দাবী বাদে জনগণের বাকী সব দাবী মেনে নেবো। আমি ক্ষমতা ত্যাগ করতে পারবোনা। আলী বলেন- ঠিক আছে, আপনি যে জনগণের দাবী মানতে রাজী তার একটি প্রমাণ দিন।

কিছুদিন পূর্বে নবী-পত্নী আয়েশাও উসমানকে বলেছিলেন- খেলাফত ত্যাগ করে জনগণের নির্বচিত প্রতিনিধির কাছে ক্ষমতা হস্তান্তর করুন এবং আমার ভাই মুহাম্মদকে মিশরের গভর্নর পদে নিযুক্ত করুন। আয়েশা তার ভাই মুহাম্মদকে সরকারী কোন পদ না দেয়ায় উসমানকে সেই প্রথম থেকেই ঘৃণার চোখে দেখতেন। আয়েশা এবং তাঁর ছোট বোনের স্বামী হজরত তালহা (রাঃ) ও বড়

বোনের স্বামী হজরত যোবায়ের (রাঃ) যে বিদ্রোহীদের সমর্থনকারী উসমান তা টের পেয়েছিলেন।

সব কিছু বিবেচনা করে উসমান ঘোষণা দিলেন- আজ থেকে মিশরের নতুন গভর্নর মোহাম্মদ ইবনে আবুবকরকে নিযুক্ত করা হলো। সরকার জনগনের সকল অভিযোগ সীকার করে নিয়েছেন এবং সকল দাবী-দাওয়া মেনে নিয়ে ক্ষতিপূরণ দিতে রাজী হয়েছেন। ঘোষণা পত্রে উসমান দস্তখত করলেন। মোহাম্মদ ইবনে আবুবকর কিছু গণ্য-মান্য নেতৃস্থানীয় লোককে সঙ্গে নিয়ে মিশরের পথে রওয়ানা হয়ে যান। মদীনায় জড়ো হওয়া বিক্ষুব্ধ জনতা খলিফার ঘোষণা বাস্তবায়নের আশা বুকে ধারণ করে নিজনিজ এলাকায় ফিরে যেতে থাকলেন। মোহাম্মদ ইবনে আবুবকর, মিশর পৌঁছার আগেই খলিফা উসমানের প্রতারণামূলক প্রতিশ্রুতি জনসমক্ষে ধরা পড়ে যায়। উসমান তাঁর নিজস্ব গুপ্তচরকে একটি চিঠি দিয়ে মিশর প্রেরণ করেছিলেন। চিঠিতে লিখা ছিল- মোহাম্মদকে তার দল নিয়ে মিশর পৌঁছামাত্র যেন হত্যা করা হয় এবং পরবর্তি নির্দেশ না পাওয়া পর্যন্ত বিদ্রোহীদেরকে বন্দী করে রাখা হয়। গুপ্তচর মোহাম্মদের দলের হাতে ধরা পড়ে যায়। সকল মদীনায় ফিরে আসলেন। বিচার ডাকা হলো। বিচারের ভার দেয়া হলো হজরত আলীর হাতে। আলী জিজ্ঞেস করলেন, খলিফা উসমান-

- এই গুপ্তচর কি আপনার?
- জ্বী আমার।
- এই উট কি আপনার?
- জ্বী আমার।
- এই চিঠির সীল-মোহর কি আপনার?
- হ্যাঁ আমার।
- এই চিঠির নীচে স্বাক্ষর কি আপনার?
- হ্যাঁ, তাইতো মনে হয়।
- এই চিঠি আপনি লিখেছেন?
- আল্লাহর কসম, আমি লিখি নাই।
- আপনি কাউকে লিখতে বলেছিলেন?
- আল্লাহর কসম, আমি কাউকে লিখতে বলি নাই।

হজরত আলী, লেখা পরীক্ষা বিশেষজ্ঞগণকে চিঠির লেখা পরীক্ষা করতে অনুরোধ করলেন। বিশেষজ্ঞগণ একমত হলেন, চিঠির লেখা মারওয়ানের হাতের। আলী মারওয়ানকে বিচারে উপস্থিত হওয়ার নির্দেশ দিলেন। উসমান বাধা দিলেন- মারওয়ানকে এখানে আনা যাবে না। গর্জে উঠলো উপস্থিত জনতা। মদীনার আকাশ পাতাল কাঁপিয়ে বজ্রধ্বনি উঠলো, আল্লাহু আকবার আল্লাহু আকবার, ইন্তেকাম ইন্তেকাম (প্রতিশোধ প্রতিশোধ)। মুহুর্তে সে আশ্রয় ছড়িয়ে পড়লো মদীনার অলিতে গলিতে। অবস্থা আয়ত্বের বাইরে দেখে হজরত আলী, হজরত তালহা ও হজরত যোবায়ের সহ অনেকেই স্থান ত্যাগ করে চলে গেলেন। জনতা খলিফার গৃহ অবরোধ করলো। চার হাজারেরও বেশী মানুষের গৃহ অবরোধের শেষ পরিণতি আন্দাজ করতে পেরে আয়েশা চলে গেলেন মক্কায় আর আলী শহর ছেড়ে অন্যত্র চলে যান। সুপরিবারে পূর্ণ বিশ দিন অবরোধ অবস্থায় থাকার পরও উসমান ক্ষমতা ছেড়ে দিতে রাজী হলেন না। তাঁর একটি আশা ছিল

সিরিয়া ও বসোরা থেকে সৈন্য বাহিনী এসে তাঁকে উদ্ধার করবে। হিজরী ৩৫ সালের ১৭ই জিলহাজ্জ, শুক্রবার। হজরত মোহাম্মদ ইবনে আবুবকর (রাঃ) প্রাসাদের ছাদের ওপর দিয়ে জানালা ভেঙ্গে খলিফা উসমানের কক্ষে ঢুকে পড়েন। হাতে উম্মুক্ত শানিত তরবারী, সঙ্গে আরো ৪ জন। উসমান আসন্ন মৃত্যুর মুখোমুখি দাঁড়িয়ে জীবনের শেষ মিনতি, বেঁচে থাকার শেষ প্রতারণা করলেন। বুকের ওপর দুই হাতে কোরআন ধরে বসে রইলেন। নবীজীর দোহাই দিলেন, মোহাম্মদকে তাঁর পিতা আবু বকরের দোহাই দিলেন, কোরআনের দোহাই দিলেন। মোহাম্মদ ভীষন শক্ত হাতে উসমানের সাদা দবদবে দাঁড়িতে ঝাপটে ধরে টান দেন। উসমান মাটিতে পড়ে যান। উপর্যুপরি খঞ্জরের আঘাতে ক্ষত-বিক্ষত হয়ে যায় উসমানের সর্বাঙ্গ। ঘরের মেঝের ওপর দিয়ে বয়ে গেল সাহাবী হজরত উসমানের দেহ নিঃসৃত রক্তের শ্রোতধারা। তলোয়ারের আঘাতে ছিন্ন বিচ্ছিন্ন হয়ে গেল কোরআনের পাতাগুলো। উসমানের রক্তে সিক্ত, লাল রঙে রঞ্জিত, কোরআনের ছিন্ন পাতাগুলোর সাথে তাঁর প্রাণহীন দেহটিও মেঝেতে পড়ে রইলো তিন দিন তিন রাত্রি। চতুর্থ দিন রাতের অন্ধকারে, গোপনে হজরত আলী কতিপয় যুবককে নিয়ে লাশটি সংগ্রহ করে, জনবিরল এক গলিপথে শহরের বহির্ভাগে নিয়ে জান্নাতুল-বা'কির পার্শ্ববর্তি ফাঁকা জমিতে সমাহিত করেন।

ইসলামের চার খলিফার কেউই তাঁদের জীবদ্দশায় জনগণের শত দাবীর মুখেও ক্ষমতা ত্যাগ করেননি। তাদের তিনজনকেই জনতার রোষানলে পড়ে প্রাণ হারাতে হয়েছিল। পূর্বে উল্লেখ করেছিলাম, হজরত উসমানের খেলাফতের মধ্য দিয়ে ইসলামের ঘরে যে অনলের স্ফুলিঙ্গ জ্বলে উঠে, তা হজরত আয়েশার যুগে এসে দাবানলে পরিণত হয়। তাই এখানে লেখাটির সমাপ্তি টানতে চাইলেও শেষ করা গেলোনা। হজরত আয়েশার আশা ছিল, উসমান পরবর্তি মদীনার খলিফা হবেন তাঁর দুই দুলা ভাই হজরত তালহা (রাঃ) অথবা হজরত যোবায়ের (রাঃ)। জনগণ হজরত আলীকে বিপুল ভোটে মদীনার চতুর্থ খলিফা নির্বাচিত করে। আয়েশার দেহের শিরা-উপশিরায় উমাইয়া বংশীয় রক্ত প্রবাহিত। হিংসার আগুন জ্বলে উঠে আয়েশার শরীরের অঙ্গে-প্রত্যঙ্গে। এমনিতেই ইমাম আলীকে মনে-প্রাণে তিনি ঘৃণা করতেন। হজরত আলী ছিলেন বিবি আয়েশার চক্ষুশূল। আয়েশা ছিলেন ভয়ানক হিংসাপরায়ন, ব্যক্তি-স্বার্থপর নারী। যে মহিলার বিছানার ভেতর জিব্রাইল অহী নিয়ে আসতেন বলে নবী মোহাম্মদ (দঃ) গর্ব করতেন, সেই আয়েশা যখন ঘোষণা দিলেন উসমান-হত্যায় আলী জড়িত ছিলেন, মানুষ তা অবিশ্বাস করতে পারলোনা। সাহাবী হজরত তালহা ও হজরত যোবায়ের, আলীকে খলিফা মেনে নিয়ে শপথ গ্রহণ করেছিলেন। আয়েশার পরামর্শে তারা সে শপথ অস্বীকার করে বন্ধন-আমাদেরকে অস্ত্রের মুখে বাধ্য করা হয়েছিল আলীকে খলিফা মানতে। উসমান-হত্যার প্রতিশোধ নিতে হজরত আয়েশার ডাকে উমাইয়া বংশ প্রতিজ্ঞাবদ্ধ হলো। তাঁর সাথে যোগদান করলো বেশ কিছু মুসলিম, যারা নবী মোহাম্মদের (দঃ) অস্ত্রের মুখে প্রাণ রক্ষার্থে মুসলমান হয়েছিল আর যাদের মাতা পিতা আত্মীয় স্বজন নবী মোহাম্মদের নির্দেশে হজরত আলীর হাতে খুন হয়েছিল।

এদিকে খেলাফত লাভের সাথে সাথে হজরত আলী সকল প্রাদেশিক গভর্নর পদ বাতিল করে দেন। কিছু উমাইয়া বংশীয় গভর্নরগণ পদত্যাগ করলো বটে কিন্তু রাজস্ব ভান্ডার লুট-পাট করে শূন্য করে দিল। আর অনেকেই আলীর খেলাফত অস্বীকার করলো। হজরত আলীর জন্য প্রাদেশিক গভর্নর সমস্যার চেয়ে আয়েশার

সৃষ্ট সমস্যা মারাত্মক হয়ে দেখা দিল। প্রথমে বিশ্বাসই করতে পারেননি, তাঁর সর্ব কনিষ্ঠ সৎ-শাশুড়ী বিবি আয়েশা তাঁর বিরুদ্ধে অস্ত্রধারণ করবেন। হজরত উসমানকে যখন হত্যা করা হয়, আয়েশা তখন মক্কায় ছিলেন। সেখান থেকেই যুদ্ধের প্রস্তুতি নিলেন। হজরত আয়েশা, আলী কর্তৃক ক্ষমতাচ্যুত, ইয়েমেনের গভর্নরের দেয়া পুরুষ্কার, অত্যাধিক সুন্দর, হুস্ট-পুস্ট তাজা উট আল-আসকারের ওপর আরোহন করলেন। পেছনে তাঁর ১০০০ হাজার সসস্ত্র সৈন্য। ডান পাশে হজরত তালহা (রাঃ) বাম পাশে হজরত যোবায়ের। আয়েশার জীবনে বাল্যকালের আনন্দ ছিলনা। যৌবন ছিল চরম হতাশা আর বেদনায় ভরা। যুদ্ধের ময়দানে হারিয়ে যাওয়া আয়েশার ওপর লোকে সেনাপতির সাথে কেলেংকারী রটিয়েছে। মানুষ তাঁকে সতীত্বের অপবাদ দিয়েছে। আজ আয়েশার দু চোখ থেকে ঠিকরে বেরুচ্ছে সারা জনমের জ্বলন্ত হিংসার স্ফুলিঙ্গ। মা বেরিয়েছেন, তার চেয়ে বয়সে বড় তার মেয়েকে বিধবার কাফন পরাতে। হায়, নবীজী মোহাম্মদ ! একবার এসে দেখে যান, আপনার বিষ-বৃক্ষে কি অপরূপ ফল ধরেছে। দেখে যান, আদরের দুলালী ফাতিমা জননীর সামীকে বধ করতে আপনার প্রীয়তমা বালিকা বধুর হাতে খঞ্জর। এ তো আপনারই শিক্ষা। এ তো আপনারই দেখানো সেই পথ। সর্বনাশা এই পথের সন্ধান উলমে সালমা জানতেন কি ভাবে? উম্মুল-মোমেনিন (মুসলিম জাতীর মা) হজরত আয়েশা সৈন্যদল নিয়ে বসোরার পথে রওয়ানা হবার আগে, তাঁর অন্যতম সতীন উম্মে সালমাকে যুদ্ধে অংশ গ্রহন করতে অনুরোধ করলেন। সালমা বল্লেন- ‘অসম্ভব। আয়েশা তুমি ঐ সর্বনাশা পথে পা বাড়িওনা। নবীজী আমাকে কানে কানে বলে গেছেন, একদিন একদল সসস্ত্র লোক ঐ পথে যাত্রা করবে যাদের নেতৃত্বে থাকবে একজন মুসলিম নারী। সে নারী, আমার উত্তরাধিকারী, খাতুনে জান্নাত মা ফাতিমার সামী, আমার প্রীয় জামাতা হজরত আলীর নেতৃত্ব অস্বীকার করবে। নবীজী আরো বলেছেন, যারা আমার আলীর নেতৃত্ব অস্বীকার করবে, মনে করো তারা আমাকেই অস্বীকার করলো। আয়েশা তুমি সেই অভিশপ্ত নারী হতে যেওনা।’

আয়েশার শরীরের রক্তধারা আজ উজান বইছে। উম্মে সালমার নির্বোধ কথা শুনার সময় আয়েশার নেই। বসোরার পথে আয়েশার দলে আরো ২ হাজার লোক যোগদান করলো। বসোরার গভর্নর আয়েশাকে বাধা দিলেন। ৩ হাজার সৈন্য নিয়ে আয়েশা রাজধানীতে ঢুকে পড়লেন। তারা খলিফা আলীর নতুন গভর্নর উসমান বিন হোনায়েফকে নামাজরত অবস্থায় বন্দী করে তাঁর দাঁড়ি গোফ মুন্ডায়ে শহর থেকে বের করে দিলেন। হজরত আলী যখন উম্মে সালমা মারফত আয়েশার মনোভাবের সংবাদ পেলেন, ততক্ষণে অনেক দেরী হয়ে গেছে। ইতিমধ্যে ৪০ জন নিরপরাধ মানুষ হত্যা করে আয়েশার সেনাবাহিনী বসোরা দখল করে নিয়েছেন। আলী তাৎক্ষণিকভাবে মাত্র ৯ শত সৈন্য নিয়ে বসোরার পথে রওয়ানা হয়ে যান। নবীজীর প্রাণ-প্রীয় দৌহিত্র হাসান ও হোসেন আর বসে থাকতে পারলেন না। পিতার নির্দেশে হজরত হাসান (রাঃ) অতি সত্বর কুফা চলে যান। সেখান থেকে ৯ হাজার সৈন্য সংগ্রহ করে পিতার সাথে মিলিত হন। আলীর পরাজিত গভর্নর উসমান বিন হোনায়েফ এসে বসোরার অবস্থা বর্ণনা করলেন। আলী মুচকি হেসে বল্লেন- বৃদ্ধ গভর্নর পাঠিয়েয়েছিলাম, এ দেখছি যুবক হয়ে ফিরে আসলেন। ধীরে ধীরে হজরত আলীর সৈন্য সংখ্যা দাঁড়ালো ২০ হাজারে আর আয়েশার ৩০ হাজার। প্রথমাবস্থায় হজরত আলী ও হজরত তালহার

মধ্যে সাময়ীক বাক-যুদ্ধ হলো। সন্ধ্যা ঘনায় আসলো, পরের দিন আরো আলাপ হবে বলে তারা নিজ নিজ তাঁবুতে ফিরে গেলেন। ছোটবেলা থেকেই আয়েশা তার স্বামী মোহাম্মদের (দঃ) রণ-কৌশল দেখে আসছেন। পরেরদিন আরো আলাপ করার জন্যে আয়েশা এতদূর আসেন নাই। রাতের অন্ধকারে অতর্কিতভাবে আয়েশার সৈন্যদল হজরত আলীর সেনা-তাঁবুতে আক্রমণ করে বসলো। অতি অল্পসময়েই তুমুল যুদ্ধ শুরু হয়ে গেল। রাত হতে সকাল পেরিয়ে দুপুর গড়িয়ে গেল, যুদ্ধ আর থামেনা। হজরত আলীর দক্ষ সেনাবাহিনীর সামনে আয়েশার সৈন্যগণ আর কতক্ষণ টিকে থাকবে? আয়েশার সৈন্যদল দুর্বল হয়ে পড়লো। তারা পশ্চাদগমনের প্রস্তুতি নিল। এতক্ষণে দশহাজার মুসলিম-সন্তানের তাজা রক্তে শুষ্ক-মরুভূমি রক্ত-নদীতে রূপান্তরিত হয়ে গেছে। নবীজীর কাছ থেকে ‘সাইফুল্লাহ’ (আল্লাহর তরবারী) খেতাব প্রাপ্ত বীরের সামনে, উটের ওপর রমণীর উঁচু শীর ! হজরত আলীর আর সহ্য হয়না। নির্দেশ দিলেন. আয়েশার উটের পা কেটে ফেলা হউক। উট সহ আয়েশা মাটিতে পড়ে যান। হজরত আলী আয়েশার ভাই মোহাম্মদকে বলেন- তোমার বোনকে উঠিয়ে মদিনায় নিয়ে এসো। হজরত আলী (রাঃ) স্তম্ভিত নিঃশ্বাস ফেলেন বটে, কিন্তু যুনাঙ্করেও অনুমান করতে পারলেননা সামনে তাঁর জন্যে ও তাঁর আদরের ধন হজরত হাসান ও হোসেনের জন্যে অপেক্ষা করছে ভয়াবহ ছিফ্ফিন ও কারবালা।

সমাপ্ত-

